



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ**

«27» «12» 2016թ.

Հասցե՝ ք. Երևան, Մ. Խորենացու 3, 7

ՈՐՈՇՈՒՄ N 2253 /01

**Հարկ վճարողից ժամանակին չվճարված հարկային մարմնի կողմից վերահսկվող եկամուտների
գծով վճարման ենթակա գումարը գանձելու մասին**

ՀՀ կառավարությանն առընթեր պետական եկամուտների կոմիտեի աշխատակազմի իրավաբանական վարչության պետ Ա.Մնացականյանս քննարկելով Ա/Ձ Ռաֆաելա Մելքոնյանի վերաբերյալ վարչական վարույթի նյութերը.

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների Ա/Ձ Ռաֆաելա Մելքոնյանի /ՀՎՀՀ 20117765, հասցեն ք. Երևան, Արաբկիր 19փ. 14/ հարկային մարմնի կողմից վերահսկվող եկամուտների գծով չկատարված պարտավորությունը 08.12.2016թ. դրությամբ կազմել է 213891 ՀՀ դրամ, որից ապառք՝ 100137 ՀՀ դրամ, տույժ՝ 113754 ՀՀ դրամ:

Վերոհիշյալ պարտավորության մասով Հայաստանի Հանրապետության կառավարությանն առընթեր պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ Ա/Ձ Ռաֆաելա Մելքոնյանի հարկային մարմնի կողմից վերահսկվող եկամուտների գծով չկատարված պարտավորությունները գանձելու վերաբերյալ՝ «Հարկերի մասին» ՀՀ օրենքի 29.1 հոդվածով նախատեսված վարչական ակտ ընդունելու նպատակով, որի մասին 15.12.2016 թվականին անհատ ձեռնարկատերը փոստային ծանուցագրով ծանուցվել է, սակայն չի ներկայացել և որևէ բացատրություն չի տվել:

Արդյունքում ժամանակին չկատարված հարկային պարտավորությունը կազմում է 213891 ՀՀ դրամ, որից՝

Շրջանառության հարկի գծով պարտավորությունը կազմում է 140887 ՀՀ դրամ, որից ապառք՝ 52960 ՀՀ դրամ, տույժ՝ 87927 ՀՀ դրամ, որն առաջացել է 2013թ-ի 4-րդ-2014թ.-ի 4-րդ եռամսյակների հաշվարկներից և ժամանակին չմուծված հարկի գումարի նկատմամբ հաշվարկված տույժերից:

Եկամտային հարկի գծով պարտավորությունը կազմում է 26579 ՀՀ դրամ, որից ապառք՝ 17177 ՀՀ դրամ, տույժ՝ 9402 ՀՀ դրամ, որն առաջացել է 2014թ-ի հոկտեմբեր-2015թ.-ի հունվար ամիսների եկամտային հարկի գումարներից /5000դրամ/և ժամանակին չմուծված հարկի գումարի նկատմամբ հաշվարկված տույժերից:

Սոցիալական վճարի/տարեկան/-ի գծով պարտավորությունը կազմում է 46425 ՀՀ դրամ, որից ապառք՝ 30000 ՀՀ դրամ, տույժ՝ 16425 ՀՀ դրամ, որն առաջացել է 2014թ-ի տարեկան եկամուտների մասին պարզեցված հաշվարկից և ժամանակին չմուծված հարկի գումարի նկատմամբ հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

«Հարկերի մասին» ՀՀ օրենքի 3-րդ հոդվածը սահմանում է, որ հարկը պետական և հասարակական կարիքների բավարարման նպատակով համապարտադիր և անհատույց վճար է: Համաձայն «Հայաստանի Հանրապետության 2016 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով «Հարկերի մասին» ՀՀ օրենքի 29¹-րդ հոդվածով, «Կուտակային կենսաթոշակների մասին» ՀՀ օրենքի 71 հոդվածով, «Վարչարարության հիմունքների և վարչական վարույթի մասին» ՀՀ օրենքի 55-րդ, 56-րդ, 58-րդ, 88-րդ հոդվածներով՝

ՈՐՈՇԵՑԻ

1. Ա/Ձ Ռաֆաելա Մելքոնյանից գանձել 213891 ՀՀ դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածով սահմանված կարգով՝ իրազեկելուն հաջորդող օրվանից:
4. Որոշման օրինակը եռօրյա ժամկետում ուղարկել հարկ վճարողին:
5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա.ՄՆԱՑԱԿԱՆՅԱՆ

Ստացա որոշման օրինակը

2016 թ

Նշում որոշումն իրազեկելու այլ միջոցների մասին